

Gálatas

1 ¹⁻²Høøch Pablo, hädaa nocyhøch nhädiuumby mөөдä hermanohajxy yaabä nägøxiä. Mijts hädaa nocy nyajnäguejxyp, mijts hermanodøjc jim tsänaabiä Galacia. Cab hajxy mmäná'anät cooch jäya'ay tøø xwyiinguexy. Jesucristøch xwyiinguexy mөөдä Dios ja'a nDeedyhájtäm. Jaaya'ayädsä Jesucristo yagjujypiøjc. ³Weenä Dios ja'a nDeedyhájtäm hajxy xmio'oy ja'a hoyhajt ja'a weenhajt mөөдä Jesucristo ja'a nWiindsønhájtäm. ⁴Jaaya'ay hajxy xñähho'túutäm ja'a nbojpä ngädieeyhájtäm nebiä Dios ja'a nDeedyhájtäm tøø miäna'añän. Paadiä Jesucristo hajxy xñähho'túutäm nebiä haxøøgpä hajxy yaa xñähwáatsämät hädaa yaabä naaxwiin. ⁵Tsøgä Dios hajxy møj jaançh pädáacäm cøjxta'axiøø. Amén.

⁶Hermanodøjc, Dios hajxy xmiojyáaxäm je'eguiøxpä coo ja'a Jesucristo hajxy xchójcäm. Pero tøøch nmädoxyhaty coo ja'a Diosmädia'agy hajxy mga'a panøcxnä je'eguiøxpä coo ja'a wiingmädia'agy hajxy tøø mbadu'ubøjnä. Nyagjuøøbiøch jaduhñ coo ja'a Dios hajxy

paquiä tøø mnajtshixøøñä. ⁷Pero cabä wiingmädia'agy jii neby hajxy mnähwá'adsät. Jaduhñä häna'c-hajxy näje'e wiädity yajnähixøøbiä. Xjia jøjcaxø'øwaamb mijts jaduhñ. Ja'a høhnda'agymiädia'agy mijts hajxy xyajnähixøøby ja'a Jesucristocøxpä. ⁸⁻⁹Tøøch mijts jaduhñ nhuuc nämaabiä, y chaach jadähooç nmänáangumbä, tøøch mijts ja'a Diosmädia'agy nyajnähixøøby neby hajxy jaduhñ mnähwá'adsät. Pero coo mijts pøn wiingmädia'agy xyajnähixøøwät, jiiby nøcxy quia'awa'añ haxøøgtuum, hoy piønä, hoy yhøøchä, hoy jim jia tsoon tsajpootyp.

¹⁰Ndsøjpiøch coochä Dios xquiumáyät. Cábøch ndsocy coochä cu'ughajxy xquiumáyät. Cooch häxøpy jaduhñ ndsocy, cábøchä Jesucristo häxøpy hoy nbanøcxnä.

¹¹⁻¹²Hermanodøjc, huuc wiinjuø'ow hajxy jaduhñ, hädaa mädiá'agyhøch mijts nyajwiingapxøøbiä, ja'a Jesucristøch xmioooy; ca'a jiäya'ayä xmioooy hädaa yaabä naaxwiimbä.

¹³Tøø hajxy mmädoxyhaty nébyhøch hijty nwädity, mänáajøchä judíos miädia'agy hajxy hänajty

nbanócxänä. Mnajuøøby hajxy nébyhøchä jäya'ayhajxy hijty ndsaačhtiuñ nägø'ø nädecypiä, ja'a Diosmädia'agy hajxy panøcxpä. Páadyhøch hijty ndsaačhtiuñ nebiä Diosmädia'agy hajxy jaduññ ñajtshixó'øwät. ¹⁴Maa yø'ø judíos miädia'agyhajxy myiñän, maas hóyhøch hijty nbanøcxy. Cábøch nmägunaax pøn hijty xyhabexy, ja'a høøch nmädu'ugyeetaact. Hix, maas pedyijøch hijty ngudiuñ ja'a nhap ndeedy quiuhdujthajxy ja'a jecypiä. ¹⁵Pero tøøchä Dios hijty xwyiimbiy, cáhnøch hánajty nmiñ nga'aynä. Páadyhøch tøø xmiøjya'axy cooçh xjiaançh tehñ chocy. ¹⁶Mänitä Dios miänaañ cooçhä yHuung nhixyhájtät, nébiøchä miädia'agy jaduññ nyajwiingapxøøyyät ja'a hajxy ca'a judíospä, neby hajxy jaduññ ñähwá'adsät. Cooçh jaduññ njajty, cábøch hoy pøn tøø nyajmøødmädia'agy, ¹⁷ni ja'a hermanodøjc-hajxy jim hijpä Jerusalén, ja'a hajxy hijty tøø wyiinguexyijäbä ja'a Dios. Pero jimhøch nnøcxtøøyy Arabianaaxooty. Mänitøch nwiimbijty, nmejstägajch maa ja'a cajpt xiøhatiän Damasco.

¹⁸Coo tægøøgjomøjt hánajty tøø ñajxnä, mänitøch jim nnøcxy Jerusalén. Jimhøchä Pedro hoy nhixyhaty. Mänitøch nmøødhijty majmocxxøø. ¹⁹Jimhøchä Jacobo nhixyhajpä ja'a nWiindsønähájtämä piuhya'ay. Pero cábøchä hermano wiingpä nhijxy, ja'a wiingexypä. ²⁰Tehñ tiøyhajt jaduññ nébiøch cham njaayän. Cábøch nhøhnda'agy. Dióshøch jaduññ xyhixp cooçh nga'a høhnda'agy.

²¹Mänitøch hoy nwädity Sirianaaxooty møødä Cilicianaaxooty. ²²Ja'a hermanodøjc-hajxy jim hijpä Judeanaaxooty, ja'a Jesucristo miädia'agy hajxy hánajty panøcxäbä, cáhnøch hajxy hánajty nhixyhatyñä. ²³Jagooyyä hajxy hánajty miädoyyä cooçhä Diosmädia'agy hánajty nyajwa'xnä. Tøø hajxy hijty miädoyhaty cooçhä hermanohajxy hijty ndsaačhtiuñ, nebiä Diosmädia'agy hajxy ñajtshixó'øwät. Pero cooçhä Diosmädia'agy hánajty nyajwa'xnä høøçhpä, ²⁴paadiä Dios hajxy miooyy Dioscujú'uyäp ja'a høøchcøxpä.

2 Coo majmactsjomøjt hánajty tøø ñajxnä, mänitøch hoy ngoo'nä Jerusalén møødä Bernabé møødä Tito. ²Dióshøch jim xquiejx. Jimhøchä Jacobo nmøødhamugøøyy hamee'ch møødä Pedro møødä Juan. Jim hajxy hánajty quiopc-haty maa ja'a hermanodøjc-hajxiän. Mänitøch hajxy nyajmøødmädiaacy nebiätýhøchä jäya'ay ja'a Diosmädia'agy hajxy nyajwiingapxø'øy, ja'a hajxy ca'a judíospä, neby hajxy hoy ñähwá'adsät. Páadyhøchä copc-hajpådøjc jawyiin nyajmøødmädiaacy, nébiøch hajxy jaduññ xquia'a jøjcapxó'øwät. ³⁻⁵Xjiøjpøgøøyy højts jaduññ; cab højts waamb xnämaayy. Tøø häna'c-hajxy näje'e yajtægø'øy maa ja'a hermanodøjc-hajxiän; nøm hajxy hánajty miäna'añ cooc tyjy hajxy pianøcxpä; pero cab hajxy hánajty tøyhajt pianøcxy. Højts

hajxy xjia jøjcapxø'øwaan. Coohøjtsä Jesucristo miädia'agy hänäjty nbanøcxänä, cab højtsä judiöspä cuhdujt hänäjty nbanøcxnä. Pero cab højts nmøjpädaacy, neby højts mijts hoy njaac yajwiingapxø'øwät ja'a tøyhajt, nej mijts jaduhñ hoy mnähwá'adsät. Jaduhñ hajxy hänäjty jia mänaambä coo ja'a Tito ween yajcircuncidarhaty nebiä judiöshajxy quihdujthatiän, hoyyä Tito hänäjty quia'a ja judiöspä. Cabä copc-hajpähajxy miänaañ coo ja'a Tito yajcircuncidarhädät.

⁶⁻⁹Cábøchä Jacobohajxy hänäjty nmøjpäda'agy, hoy hajxy hänäjty tøø jia päda'agyii copc-hajpä. Hix, cabä Dios hajxy xmiøjpädaacäm, hoyyä mõjtuung hajxy nja møødhájtäm. Mänitøch hajxy xyhixyhajty coöchä Dios hänäjty tøø xwyiinguexy, coöchä miädia'agy nyajwiingapxø'øyyät ja'a ca'a judiöspähajxy, nebiä Pedro hänäjty tøø wyiinguexyijän coo ja'a judiöshajxy yajwiingapxø'øwät. Mänit højts ja'a copc-hajpähajxy xjiøjpøgøøyy møødá Bernabé. Mänit højts tu'ugmädia'agy nmähmøøyy coo højts nwädítät maa ja'a ca'a judiöspän, chaads häna'c-hajxy jaduhñ wiädítät maa ja'a judiöspän. Y cábøch hajxy nej xyhanehmy.

¹⁰Jagooyyä højts xñämaayy coo højtsä häyoobäya'ayhajxy nbuhbédät. Jaduhñch nnä'ägä cuhdujthaty.

¹¹⁻¹⁴Mänitøchä Bernabé nmøødhädaacy maa ja'a cajpt xiøhatiän Antioquía. Cujecy højtsä Pedro xpiagädaacy. Mänitä Pedro tiägøøyy caamiupä møødá hermanodøjc ja'a ca'a judiöspä.

Mänitä Jacobo miägu'ughajpähajxy näje'e quiädaacpä. Mänitä Pedro quia'a møødcaamiüjcänä ja'a hajxy ca'a judiöspä. Hix, chähgøøbiä Pedro hänäjty coo ja'a hermanodøjc-hajxy miädoyhädät jim Jerusalén, ja'a hajxy hänäjty jaac panøcxpä ja'a judiöscuhdujt. Mänitä Bernabé pijaatcøøbiä møødá hermanodøjc-hajxy nägøxiä ja'a judiös, coo hajxy quia'a møødcaamiugaannä ja'a hajxy ca'a judiöspä. Hix, mejtstu'u ja'a wyiinmahñdyhajxy hänäjty. Y coöch nhijxy neby hajxy hänäjty jiatcø'øyän, coodsä tøyhajt hajxy quia'a panøcxnä, ja'a Diosmädia'agy, mänitøchä Pedro nõjcuhojøøyy ja'a hermanodøjc wyiinduumhajxy. “Jue'e miich, mjudiös miich, y caj miich hijty nbanøcxy ja'a judiöscuhdujt. Caj miichä cuhdujt mnä'ägä møødá coo miichä wiinghana'c mädsibø'øbä mnämä'awät coo hajxy pianøcxät ja'a judiöscuhdujt.” Páadyhöchä Pedro jaduhñ nhojy coo je'le ja'a pojpä hänäjty miøødá.

¹⁵Jue'e højts hájtäm, judiös højts nmiin ngáhwäm. Caj tyjy højts ngahwiindøyyä nebiä wiingjäya'ayhajxiän. ¹⁶Pero, paadiä Dios hajxy xpiädäacäm hawa'adstuum je'leguiøxpä coo ja'a Jesucristo miädia'agy hajxy hamuumdu'joot nmäbøjcäm, ca'a jie'leguiøxpä coo hajxy ngudiúunäm nebiä jecyquihdujt myiñän. Coo ja'a Jesucristo miädia'agy mga'a mäbøjcät, cabä Dios xpiädá'agät hawa'adstuum, hoy mja cudiuñ nebiä jecyquihdujt myiñän.

¹⁷Pero tsøc mänáañäm, coo jaduhñ quiahxø'øgät coo højts

ngahwiindóyyäbä, hoyyä Jesucristo miädia'agy nja mäbójcäm, cab hajxy nmánáanämät cooc tyijy ja'a Jesucristo tøø xyajtu'udägóoyyäm. ¹⁸Coo hõjtsä jecyquihdujt nnajtshixøøyyämät, cab jaduhñ yhoyyä coo hajxy jadähooc nbadu'ubójcämät. Hix, cähxó'ögäp jaduhñ coo hõjts ja'a pojpä cädieey nmøødhájtäm. ¹⁹Pero høøch, cábøchä jecyquihdujt nbanøcxnä. Tøøch nnajtshixøøñä, nébiøchä Dios hamuumdu'joot jaduhñ nbanøcxnät. ²⁰Coo ja'a Jesucristo hajxy tøø xñähho'túutäm cruzcøxp, páadyhøch je'e hamuumdu'joot nbanøcxy; cábøch nhamdsoo wiinmahñdy nyajtunaannä. Tu'ugmädiá'agyhøchä Jesucristo xmiøødhijnä. Xchójpøch je'eduhñ, páadyhøch tøø xñähho'tu'udy. ²¹Paadiä Dios hajxy xpiädäacäm hawa'adstuum je'leguiøxpä coo ja'a Jesucristo miädia'agy hajxy nmäbójcäm; ca'a jie'leguiøxpä coo ja'a jecyquihdujt hajxy ngudiúunäm. Coo häxøpy quia'a jaduhñä, xiøøbä ja'a Cristo häxøpy tøø ñä'a ho'ogy. Paady, cábøchä hoyhajt nnajtshixø'owa'añ mädyíjøchä Dios tøø xmiø'oy.

3 ¹⁻⁵Mijts hermanodøjc, nej, mguhmañøøby hajxy jaduhñä coo ja'a Diosmädia'agy hajxy mga'a panøcxaannä. Nej, mbanøcxtägatsaambiä jecyquihdujt hajxy jadähoocä. Mnajuøøby hajxy coo ja'a Jesucristo hajxy tøø xñähho'túutäm. Coo mijtsä Jesucristo miädia'agy tøø mmäbøjcä, paadiä Dios ja'a yhEspiritu hajxy tøø xmiø'oy, paadiä hoy-yagjuøøñäjatypä

tøø yajnaxy maa mijtsän. Ca'a jie'leguiøxpä coo ja'a jecyquihdujt hajxy hijty mgudiunñ. Pero cabä ndijy ja'a Diosmädia'agy hajxy tøyhajt mnajtshixø'owa'añ.

⁶Ja'a Abraham, ja'a hajxy nhaphájtäm ja'a hajxy ndeedyhájtämbä, miäbøjc je'e ja'a Diosmädia'agy. Paadiä piädaacä hawa'adstuum. ⁷Y coo hõjtsä Diosmädia'agy nbamäbójcämät, mänitä Dios hajxy xpiädäacämät nebiä Abraham yhap yhocän. Mänit hõjts xpiädäacänät hawa'adstuum. ⁸Jéquiänä Dios ja'a Abraham ñämaayy: “Miiçhcøxpøchä jäya'ayhajxy nbuhbeda'añ nägøxiä ja'a wiinduhmyhagajtpä je'leguiøxpä coo miich tøø mmäbøcy.” Jiiby jaduhñ myiñ cujaay maa ja'a Diosmädia'aguiän. Jaduhñ hajxy nyajnajuøøyyäm coo ja'a Dios hajxy xpiäda'agáañäm hawa'adstuum pønjaty mäbøjp, hoy hajxy quia'a ja judíosä. ⁹Entonces, ja'a hajxy mäbøjpä, jaduhñ hajxy piuhbedyii nebiä Abraham jecy piuhbejtän.

¹⁰Ja'a hajxy jaduhñ mänaambä cooc tyijy hajxy ñähwa'adsa'añ je'leguiøxpä coo ja'a jecyquihdujt hajxy quiidiunñ, haxøøgtuum hajxy je'e piäda'aga'añii. Jaduhñ jiiby myiñ cujaay maa ja'a jecyquihdujtän, “Haxøøgtuum piäda'aga'añii pønjaty hoy ca'a cudiumb nebiaty hädaa libro xyhanéhmäm.” ¹¹Jaduhñ jiiby myiimbä cujaay maa ja'a Diosmädia'aguiän: “Coo ja'a Diosmädia'agy hajxy nmäbójcämät, mänitä Dios hajxy xyajnähwäatsämät.” Ca'a

jie'eguiøxpä cooc tyijy hajxy ngudiúunäm ja'a jecyquihdujht.

¹²Pero jaduħnä jecyquihdujht miána'añ: “Pønä jecyquihdujht cudiuumb, hawa'adstuum piäda'aga'añii.”

¹³Coodsä jecyquihdujht hajxy hijty hoy nga'a cudiunáanäm, haxøøgtuumä Dios hajxy hijty xpiäda'agáanäm. Pero xñähho'túutäm; paadiä Dios hajxy jaduħn; paadiä Jesucristo hajxy xñähho'túutäm; paadiä Dios hajxy xpiädáacäm hawa'adstuum.

Jaduħnä jiiby myiñ cujaay maa ja'a Diosmädia'aguiän: “Pøn møjpahbéjtäp quepyquixp, tøø hánajty piäda'agyii haxøøgtuum.”

¹⁴Paadiä Jesucristo hajxy tøø xñähho'túutäm, nebiä jäya'ayhajxy jaduħn piuhbéjtäbät, ja'a hajxy ca'a judíospä, nebiä Abraham jecy piuhbejtän. Y coo hajxy nmäbøjcamät, mänitä Dios ja'a yhEspíritu hajxy xmio'owáanäm nägøxiä neby hajxy jecy xyajwiinwaanøøyyäm cooc hajxy xmio'owáanäm.

¹⁵Hermanodøjc, tsøg hajxy mädiáacäm neby hajxy yaa nguħdujthájtäm hädaa yaabä naaxwiin. Coo pøn tii jajcuħdúgät maa ja'a hagujtøjcän, coo fyirmarhadät, ni pøn jaduħn quia'a yajtagátsät, ni quia'a mäná'anät coo quia'a hoyyá.

¹⁶Bueno, coo ja'a Dios ja'a Abraham miøødyajcuħdujcy cooc hoy miánaajä piuhbeda'añ, jaduħn miánaambä cooc ja'a Abraham yhap yhoc miøødyajcuħdújcäbä. Jaduħn jiiby myiñ cujaay maa ja'a Diosmädia'aguiän. (Cab

jaduħn myiñ cooc hajxy nämay miøødyajcuħdujčä.) Coo jaduħn miána'añ: “Abraham yhap yhoc”, ja'a Jesucristo jaduħn nänøømäp. ¹⁷Y coo mädaaxmägo'xcuhii'xmajcjomøjt hánajty tøø ñaxy, mänitä jecyquihdujht piädaacä. Pero cab jaduħn yajtagajch nebiä Dios ja'a Abraham hánajty tøø miøødyajcuħduquiän. ¹⁸Coo häxøpy quia'a tøyhajtä jaduħn, cab häxøpy tiuñ nebiä Dios jecy jajcuħdujquiän.

¹⁹Paadiä Dios ja'a jecyquihdujht yejcy neby jaduħn quiähxø'øgät coo ja'a pojpä cädieey hajxy nmøødhájtäm. Pero coo ja'a Jesucristo yaa tøø yhoy hädaa yaabä naaxwiin, ja'a hánajty tøø miøødyajcuħdugyíjábä, cabä jecyquihdujht jaduħn tiunaannä. Bueno, coo ja'a Dios ja'a jecyquihdujht piädaacy, mänitä mioonsä tsajpootypä ja'a Moisés hoy mio'oy. Mänitä Moisés jiyeynajxy. ²⁰Pero hamdsoo ja'a Dios ja'a Abraham miøødyajcuħdujcy; cabä jiyeynajxpä jaduħn ñälä yajtuuñ.

²¹Cab hajxy nmánáanämät coo ja'a jecyquihdujht yajtagajch nebiä Dios hánajty tøø jajcuħduquiän. Coo ja'a Dios häxøpy tøø miána'añ coo hajxy cu nnähwáatsäm maa ja'a jecyquihdujhtän, pues tøø ja'a jecyquihdujht hajxy häxøpy xyajnáhwáatsäm ja'a nbojpä ngädieeyhájtäm. ²²Ja'a Diosmädia'agy jaduħn mänaamb coo hajxy nägøxiä nhíjtäm haxøøgtuum je'eguiøxpä coo ja'a pojpä cädieey hajxy nmøødhájtäm. Pero coo ja'a Jesucristo miädia'agy

hajxy nmábójcämät, mänitá Dios hajxy jaduhñ xyhuunghájtämät nebiä jecy yajcuhdujquiän.

²³⁻²⁵Tuungpaatpä jecyquihdujht hijty. Tsipcøxp hõjts hijty ngudiúunäm. Pero coo ja'a Jesucristo tøø yhoy, cab hõjtsä jecyquihdujht nbanócxänä. Coo ja'a Jesucristo miädia'agy hajxy nmábójcämät, jaduhñä Dios hajxy xyhuunghájtämät.

²⁶Y xjiaančh huunghajp mijts ja'a Dios je'eguiøxpä coo ja'a Jesucristo miädia'agy hajxy mmábójcä, coo ja'a Jesucristo hajxy mmøødhity tu'ugmädia'agy. ²⁷Y coo hajxy jaduhñ mmøødhídät, coo hajxy jaduhñ mnäbéät, mänitá Dios hajxy xyhuunghádät, nebiä Dios ja'a Jesucristo yHuunghatiän.

²⁸Tu'ugmädia'agy hajxy mhijnä møødä Jesucristo. Cabä Dios tiehm yajtøy pø mjudios, pø caj, pø mmäyøø, pø caj mmäyøøjä. Cabä Dios yajtøy ja'a haagä tehñ ya'adiøjcpä, ja'a haagä tehñ tio'oxiøjcpä. Jøjwa'achä yajtøy. Jaduhñä Dios hajxy xyhijxnä nebiä yhamdsoo huungän. ²⁹Y coo ja'a Jesucristo hajxy mmøødhity tu'ugmädia'agy, paadiä Dios hajxy xyhuunghaty, nebiä Dios ja'a Abraham jecy yhuunghajtiän.

4 ¹⁻²Jaduhñds je'e, coo jäya'ayhajxy hänäjty näje'e yho'ogaanñä, mänit hajxy miäna'añ coo yhuunghajxy yhiñxäät ja'a miägu'ughajpähajxy. Coo ja'a yhuunghajxy miøjjøøñät, mänit nädeedy hajxy miämähmøøñät. Pero coo hajxy hänäjty miuutsnä, jaduhñ hajxy yhane'emyii nebiä moonsän, høxtä coonä

hajxy hänäjty tøø miøjjøøñä. ³Y hõjts hájtäm, coo ja'a Jesús hajxy hänäjty nga'a hixyhájtämñä, jaduhñ mäwíinäts hajxy hijty nhájtäm nebiä hane'emybiän coo ja'a jecyquihdujht hajxy hijty tehngajnä nbanócxäm. ⁴Pero coo yhabaaty, mänitá Dios ja'a yHuung quiejxy; Jesucristo je'e. Hoy je'e miñguia'ay neby hõjts hájtämän yaa judíosnaaxooty, maa ja'a jecyquihdujht tiuñän. ⁵Paadiä Jesús quiejxä neby hõjts jaduhñ xñähho'túutämät, je'eguiøxpä coo hõjts ja'a jecyquihdujht hijty nbanócxäm tehngajnä. Coo hajxy xñähho'túutäm, xyhuunghájtäm ja'a Dios hajxy jaduhñ.

⁶⁻⁷Xmio'owáanäm hajxy jaduhñ nebiaty nãgapxy. Cab hajxy nhájtänä nebiä hane'emybiän. Coo ja'a Dios hajxy xyhuunghájtäm, paadiä yHespíritu hajxy xyajnäguéjxäm. Paady hajxy je'e nnämáayyäm: "Teedy" hamuumdu'joot.

⁸Jue'e mijts hijty mwi'i wyiingudsähgøøby, quepychech naaxpoch. Cahnä ja'a Dios hajxy hänäjty mhixyhatyñä. ⁹Pero coo ja'a Dios hajxy tøø xwyiimbiy, paady hajxy mhixyhajnä. Cab jaduhñ yhahixø'øy coo ja'a jecyquihdujht hajxy jadähooc mbadu'ubójcombät. Cab hajxy nyaghanéhmanät maa ja'a jecyquihdujhtän. ¹⁰Pero mijts, je'enä xøø hajxy mwi'i yagjadyii. Jaduhñ tyijy hajxy mnähwa'adsa'añ. ¹¹Nej, xiøøbøch mijts ja'a Diosmädia'agy tøø nja yajwiinhixø'øyä. Pø tøyhajt jaduhñ, njaančh tehñ yagjuøøbiøch jaduhñ.

12-14 Hermanodøjc,
 nnámá'awábøch mijts cooçh
 mijts xpiahíxät. Najtshixø'ow
 ja'a jecyquihdujt hajxy
 nébiøch tøø nnajtshixø'oyän.
 Mánáajøch mijtsä Diosmädia'agy
 nyajwiingapxøøçhooñän, hóyhøch
 mijts xmiägu'ugpøjcy. Jadúhnhøch
 hajxy xjiøjpøgøøyy nebiä
 Diosquexiän, nebiä Jesucristän.
 Cábøch hajxy xxiøøghajty,
 hóyhøchä pa'am hánajty nja møødä,
 hóyhøch mijts hoxiøøghajnä
 hánajty xjia hixy. Cooçhä pa'am
 hánajty nmøødä, páadyhøch
 jim nmähmøøyy maa mijtsän.
 15 Pero mijts, cab hajxy jootcujc
 mhijnä. Pänebiä hajxy tøø mjaty.
 Mánáajøch jim nhitiän maa
 mijtsän, høøchcøxpä mijts hánajty
 mduñ hoy miädyii mayhajtä.
 Xmióobiøch mijts hánajty hoy tyiijä.
 16 Páadyhøch mijtsäda'a xquia'a
 mägu'ughadaannä cooçh mijts tøø
 nhawáañäm ja'a tøyhajt.

17 Y häna'c-hajxy
 høhñdaacpä, paady mijts hajxy
 xmiägu'ughada'añ nébiøch mijts
 jaduñ xquia'a panøcxnät. Pero
 caj mijts hajxy hamuumdu'joot
 xmiägu'ughada'añ. Xñä'ä
 wiinhøønaamb mijts hajxy jaduñ.

18 Hoy hit jaduñ coo mijts pøn
 hamuumdu'joot xmiägu'ughádät
 hoy miánaajä, hóyhøch hánajty
 jim nga'a ja hity maa mijtsän.

19 Mägu'ughajpä, jaançh tehñ
 jiootmayhájpøch jadähooc ja'a
 mijtsøxpä. Jiaançh tehñ chójpiøch
 njoot coo mijts ja'a Jesucristo
 mmøødhídät tu'ugmädia'agy. 20 Cu
 nnøcxyhøch jim maa mijtsän. Cu
 nmøødmädiäacyhøch mijts jaduñ

yajxón. Cooçh mijts hoy nga'a
 møødmädia'aga'añ hajäya'ayhaam,
 cábøch nnajuø'oy nébiøch ndaj
 nmáyät ja'a mijtsøxpä.

21 Hoorä, pø chojpiä mjoothajxy
 tehngajnä coo ja'a jecyquihdujt
 hajxy mbanøcxa'añ, huuc mäadow
 hajxy neby jiiby myiñän maa
 ja'a jecyquihdujtän. 22-23 Metscä
 Abraham yhuung hánajty. Tu'ug
 hánajty xiøhajty Isaac. Tøø
 Dios Abraham hánajty jaduñ
 yajwiinwaanø'oy coo ja'a Isaac
 hánajty myina'añ quia'awa'añ.
 Abraham yhamdsoo huunghajxy
 je'eduhñ møødä tio'oxiøjc. Jatu'ugpä,
 Ismael je'e xiøhajpä. Jaduhyä
 je'e ñä'ä miiñ ñä'ä cahy. Moonsä
 je'e tiajhajt. 24-25 Hädaa mädia'agy,
 nebiä hijxtahñdän hädaa jaduñ.
 Ja'a Ismael tiaj, ja'a Agarhajpä,
 moonsähajp hánajty je'e. Cabä
 yhamdsoo cuhdujt hánajty yaghity.
 Hoorä, coo ja'a Dios ja'a cuhdujt
 yejcy maa ja'a tun hánajty xiøhatiän
 Sinaí, jim Arabianaaxooty, jaduñ
 mäwíinäts hajxy nhíjtäm nebiä
 Agar hánajty mioonsähatiän. Cabä
 nhamdsoo cuhdujt hajxy nyaghíjtäm.
 Mejtstu'ua ja'a tun hánajty xiøhaty.
 Xøhajp hánajty Sinaí, møødä
 hánajty xiøhaty Agar. Ja'a cajpt
 jaduñ xøhajpä Jerusalén, ja'a
 hädaa yaabä naaxwiimbä, jaduñ
 mäwíinäts je'e nebiä Agarän. Hix,
 cabä Jerusalénpä-jäya'ay yhamdsoo
 cuhdujt hajxy yaghity. 26 Jaduñ
 ja'a cajpt jim xiøhajpä tsajpootyp
 Jerusalén. Jim hajxy nxøønájxäm.
 Cabä jecyquihdujt jim tiuunnä nebiä
 Dios yequiän Sinaí. Jemyguiuhdújtäts
 jim túunnäp. 27 Jaduñ jiiby myiñ
 cujaay maa ja'a Diosmädia'aguiän:

Huuc xoon̄da'ag, hoyyá huung
mga'a ja paadyñá, Maas may
miičh huung mbaada'añ.

Cabá mmoonsá may jiaty
paada'añ.

²⁸Hoorá, hermanodøjc, tøø ja'a
Dios hajxy xyajnáhdíjjám coo hajxy
xyhuunghadáanám, nebiá Isaac
yajnáhdíjján. ²⁹Dios ja'a yhEspíritu
ja'a Isaac yajmágunuu'xøøyy
coo myínát. Cabá Ismael
yajmádsojcy coo ja'a Abraham
ja'a Isaac yhuunghádát. Jaduhñ
máwíináts højtsá jäya'ayhajxy
xquia'a yajmádsójcám coo ja'a
Dios hajxy xyhuunghájtámát.

³⁰Jaduhñ jii by myiimbá cujaay
maa ja'a Diosmádia'aguian̄:

“Høxquejxpádsøm yø'ø
to'oxymoosá møødä
yhuung.” Cabá moonsá yhuung
ñäl'ägädä puhmo'owa'añii
ñádeedy. Pero yhamdsoo
to'oxiøjc yhuung, je'eds jaduhñ
mio'owaamby. ³¹Hermanodøjc,
coo ja'a Diosmádia'agy hajxy
hamuumdu'joot ndsójcám, jaduhñ
máwíináts hajxy nhíjtám nebiá
Isaac jecy yhijtian̄. Pero ja'a hajxy
ca'a tsojpa, jaduhñ máwíináts hajxy
je'e nebiá Ismaelán, ja'a moonsá
yhuung.

5 Coo ja'a Dioscuhdajt hajxy
nyaghíjtám, mádyii ja'a
Moisés jecy miáhooyy, jaduhñ
máwíináts hajxy hijty nhíjtám
neby hajxy hadsip yajtuñíjjábán.
Coo ja'a Jesucristo quiádaacy,
mánit hajxy xñámáayyám coo
ja'a jecyquihdujt hajxy nga'a
møjppádaacánát. Xyhawáanám hajxy
jaduhñ neby hajxy nnáhwáatsámát.
Hamuumdu'jootá Jesucristo

miádia'agy hajxy mbanócxát.
Cabá Moisés jecyquihdujt hajxy
mbadu'ubójcát jadáhooc.

²Huuc hamádoowhit hajxy. Coo
hajxy nyajcircuncidarhájtámát
cooc tyijy hajxy jaduhñ
nnáhwa'adsáanám, xiøøbä ja'a
Jesucristo hajxy háxøpy tøø xñä'ä
nähho'túútám. Høøčh jaduhñ
mánaamb, Pablo. Diosquéyhøch
høøčh. ³Jaduhñhøch jadáhooc
nmánaangombä, pønjaty mánaamb
coo hajxy yajcircuncidarhádt,
tsipcøxp hajxy quiudiúnát
nebiatiá Moisés jecyquihdujt
yajnáhdíjy coo hajxy quiudiúnát.

⁴Jii häna'c-hajxy näje'e miána'añ:

“Páadyhøch nnáhwa'adsa'añ
coočhä Moisés jecyquihdujt
hoy ngudiunä.” Pero cab jaduhñ
tiøyyä coo hajxy nähwa'adsa'añ.
Hiç, cabá Jesucristo hajxy
miøødhijnä tu'ugmádia'agy.

⁵Pero nmäbøjcám højts coo
hajxy nnáhwa'adsáanám ja'a
Jesucristocøxpä. Ja'a DioshEspíritu
hajxy xpiuhbedáanám. ⁶Coo ja'a
Jesucristo hajxy tu'ugmádia'agy
nmøødhíjtámát, cab jaduhñ ñejpiä
pø tøø hajxy nyajcircuncidarhájtám,
o pø caj. Je'eduhñ tsoobaatp
coo ja'a Jesucristo miádia'agy
hajxy nmäbøjcámát y coo hajxy
hamiñ háxøpy nničhójcámát nebiá
Jesucristo hajxy xchójcám.

⁷Hoy ja'a Diosmádia'agy hajxy
hijty mbanøcxy. Pátiidä hajxy coo
tøø mnajtshixø'øyy. Pábøndä hajxy
tøø xwyiinhøøñ. ⁸Ca'a Dyiosä
hajxy xyajnajtshixøøyy. Jaaya'ay
hajxy xyajnáhdíjjám coo ja'a
miádia'agy hajxy nbanócxámát.

⁹Jaduhñä jäya'ayhajxy

miäna'añ: "Coo tsajcaagychooy weeñtiä nbädäacämät, cõxiä harina yajtägø'oyii." Jaduhñ mäwíinäts højtshájtäm coo häna'c høhnda'agymiädia'agy hajxy xyajnähiçøoyyämät; nägøxiä hajxy jaduhñ nmá'tämät. ¹⁰Nbädäacypioçhä njuøhñdy ja'a Dioscøxpä coo wiingmädia'agy hajxy mga'a mábógät. Dios jaduhñ yajcumädowaamb põñ mijts høhnda'agymiädia'agy xyajnähiçøoby.

¹¹Tehngájnoçhä Diosmädia'agy nyajwa'xy coo ja'a jäya'ayhajxy ween miäbøcy; je'leguiøxpä coo ja'a Jesucristo hajxy tøø xñähho'túutäm cruzcøxp. Páadyhøçhä jäya'ayhajxy xmiähanhaty. Näje'le hajxy miäna'añ cooc tyjy høøçhä mädia'agy nyajwa'xy coo hajxy ween ñiseñapäda'agyii. Pero cab jaduhñ ñä'a tøyyä. Cooçhä mädia'agy häxøpy nyajwa'xy coo hajxy yajcircuncidarhádät, cáboçhä jäya'ayhajxy häxøpy xmiähanhaty. ¹²Yø'ø häna'c mijts xjia wi'i ñämaabiä coo hajxy myajcircuncidarhádät, ween hajxy jaduhñ xpiuhwaatsnä.

¹³Tøø mijts ja'a Dios xyajnähdijy coo ja'a Moisés jiecycuiuhdujt hajxy mnajtshixøoyyät. Pero cabä Dios jaduhñ miäna'añ coo hajxy cøxypänejpiä mjäya'ayhádät. Jaduhñ miäna'añ coo hajxy yajxõñ mniçhogøøjät, coo hajxy yajxõñ mnibuhbedøøjät. ¹⁴Jaduhñä Dios jiecycuiuhdujt miäna'añ coo hajxy hoy piõnä mdsoc mba'häyówät hädaa yaabä naaxwiin nebiä mhamdsoo ni'x nebiä mhamdsoo copc hajxy mdsocquian. ¹⁵Cab

jaduhñ yhooyä coo hajxy mnimiähanhadøøjät tu'ugpä tsajtøjc, jaduhñ hajxy mga'a niyajtägoyyøøjät.

¹⁶Hoy hajxy mwädítät ja'a Diosmäjaagøxpä. Cabä mhamdsoo wiinmahñdy hajxy myaghijnät, hoyyä mjoothajxy hänäjty tii jia tsocy. ¹⁷Ja'a Diosmäjaa, cabä tu'ugjuøhñdy yhity møødä haxøøgcuhdujt. Coo hänäjty haxøøg mjatcø'owa'añ, Dios xyhadujp mga'a jatcø'oy jaduhñ cøxypänejpiä. Hoorä, coo ja'a mjoot hänäjty chocy coo hänäjty hoy mwädita'añ, ja'a mhaxøøgwiinmahñdy jaduhñ xyhadujp. ¹⁸Pø chojpiä mjoot jaduhñ coo ja'a Diosmäjaagøxpä mwädítät, cabä Moisés jiecycuiuhdujt mbanøcxänät.

¹⁹Madiu'u ja'a jäya'ayhajxy yhaxøøgcuhdujthaty: jabiøcy hajxy ñimiøødtsäna'ayii; cøxypänejpiä hajxy jäya'ayhaty; haxøøg hajxy wiädity, hoy hajxy jia to'oxiojcmøødä; ²⁰wyiingudsähgøøbiä quepychech naaxpoch hajxy; mähijxp mábäxujp hajxy; nimiädsiphájtäp hajxy; yhadsojpy hajxy mädyijjatiä miägu'ughajpähajxy miøød; paquiä hajxy ñimiäjootma'adyii; wiinduc-ho'p hajxy; nibiuhyohdiúutäp hajxy; cab hajxy tiu'ugmädia'aguüä; ²¹hadsojt hajxy wyi'i miøød; jäya'ay-yagho'p hajxy; haxøøghuucp hajxy, haxøøgjøø'xp hajxy; madiu'u hajxy jaduhñ jiatcø'oy. Tøøds mijts nja yagjahmiech, chaads jadähooc nhawáanäm: põñ haxøøgcuhdujt møød, cab jim ñøcxa'añ tsajpootyp.

²²Pero coo ja'a Diosmäjaagøxpä hajxy nwädíjtämät, Dios hajxy

jaduh_n xpiuhbéjtäm coo ja'a jäya'ay hajxy hoy nmägu'ughájtämät, coo hajxy nxoondáacämät, coo hajxy jootcuje nhíjtämät, coo hajxy nmee'xtújcämät, coo ja'a nmäjøøn coo ja'a nmädøjc hajxy yajxón nmägu'ughájtämät, coo ja'a hojioot hajxy nmøødhájtämät, coo hajxy nga'a hõhndáacämät, ²³ coo hajxy mee'xxieemy nhíjtämät, coo hajxy jootxeemy nhíjtämät. Coo hajxy jadu_hn njäya'ayhájtämät, cab hajxy pøn waamb xñámáayyämät. ²⁴ Pønä Jesucristo miädia'agy panøcxäp hamuumdu'joot, tøø ja'a yhaxøøgcuhdujt yhøxhixy, y cab jadu_hn jiahmiejtsnä. ²⁵ Pøø mänäänäm hajxy jadu_hn coo ja'a Diosmäjaagøxpä hajxy nhíjtäm, tsøøg hajxy hamuumdu'joot pawädíjtäm.

²⁶ Cab hajxy nyajcumáayyämät; cab hajxy nniyagjootmá'tämät hamiñ haxøpy; cab hajxy cøxiä wiinä nniyhadsójcämät.

6 Hermanodøjc, coo pøn tiu'udägóyyät, mee'xxieemy hajxy mmägäp mhané'emät, nej mijtsä Diosmäjaa mmøødän, weenä yhaxøøgpä yhøxhijxnä. Pero mnigwieendähadøøjpä hajxy coo mijts jaduh_n mnä'a tu'udägóobiät. ² Nibiuhbedøø hajxy neby hajxy jaduh_n mmäjädá'agät, neby hajxy jaduh_n mga'a tu'udägóyyät. Jaduh_ndsä Jesucristo miädia'agy hajxy mgudiúunät.

³ Pøn yajcumayaamb je'eguiøxpä cooc tyijy miøjjä, caj ñä'a tøyyä coo miøjjä. Nä'a niwyiinhøhñäp jaduh_n. ⁴ Cøjwiinduum hajxy mniyhixøøjtät pø hoy hajxy tøø mgudiúñ. Y pø tøø hajxy hoy mgudiúñ, mänit hajxy mxoondá'agät.

Pø tøø ja'a mmägu'ughajpä hajxy mbexy, cab hajxy nøcxy mniguiumayii. ⁵ Cøjwiinduum hajxy mniyajcopcø'owóøjtät pø hoy hajxy mgudiúñ.

⁶ Pøn jadu_hn yajnáhixøøyyäp ja'a Diosmädia'agy, tsipcøxpä ofrenda hajxy yégät, mio'owóøjtät ja'a yajnáhixøøbiä.

⁷ Ca'a hajxy myajwiinhøøñ; ñajuøøbiä Dios neby hajxy nwiinmahñdyhájtäm. Nej tøø mjäya'ayhatiän, høxtä jaduh_n mguhbédät. ⁸ Pønä Dioshespíritu panøcxp, je'e cøjxta'axiøø jugyhadaamb nebiä Dios juggyhatiän; pero pøn yhamdsoo cuhdujt yajtuumb, cab jaduh_n juggyhada'añ nebiä Dios juggyhatiän. ⁹ Tsøögä njoot hajxy møc pädáacäm; coo hajxy tehngajnä hoy nwädíjtämät, mänit hajxy jim nnøcxämät tsajpootyp coo yhabáatnät. ¹⁰ Hoy miänaajä ja'a jäya'ay hajxy mbuhbédät nägøxiä. Tsipcøxpädsä hermanodøjc hajxy mnä'ägädä puhbédät.

¹¹ Hamdsójoøch hädaa letra nhädiúñ, paady miøjjatiä. ¹² Pønjaty mijts xjia wi'i ñämaaby coo hajxy myajcuncidarhädät, paady hajxy jaduh_n miäna'añ coo hajxy wyl'i yajcumaya'añ cu'ughagujc. Hix, tsähgøøby hajxy jaduh_n coo hajxy miädsibø'owóøjtät ja'a homiädia'agyquiøxpä, coo ja'a Jesucristo hajxy tøø xñähho'túütäm cruzcøxp. ¹³ Hoy hajxy näje'e tøø jia yajcuncidarhaty, cabä Moisés jicyquiuhdujt hajxy yajtuunä. Paady mijts hajxy xjia wi'i ñäma'ay coo hajxy myajcuncidarhájpät, yajcumayaamb hajxy jaduh_n ja'a

mijtsçxpä. ¹⁴Pero høøch, cábøch nmána'añ coo mädyii miøjjä jiaančhä. Jagóoyyøch nmána'añ coo miøjjä jiaančhä coočhä Jesucristo tøø xñäho'tu'udy cruzcøxp. Cábočhä njoot yaa nbádaacnä hádaa yaabä naaxwiin. Hoyyä jäya'ay hajxy waambaty jia mäná'anät, cáboch tii nmøjpádaacnä. Cáboch tii hadsojt nmøødän hádaa yaabä naaxwiin. ¹⁵Cab jaduññ ñejpiä pø tøø myajcircuncidarhaty o pø caj.

Je'eduhñ tsoobáatnäp coo ja'a Dios hajxy tøø xpiádaacäm hawiinjemy.

¹⁶Pønä Diosmädia'agy hoy cudiuumb, je'eds hoyhajt weenhajt mo'owáañäp.

¹⁷Páadyhøch chaa nnähxäguuuch nguhxäguuuchä coočhä Jesucristo miädia'agy tøø nmädiaacä. Y cooçh jaduññ tøø ngudiuññ, páadyhøchä cuhdujt nmøødän. Páadyhøch hajxy tii xquia'a yajnámáañät.

¹⁸Hermanodøjc, weenä Jesucristo hajxy xcwieendähaty. Amén.